

目錄

公電

江華來電一則

致江華電一則

激浦來電一則

致沅陵電一則

永順來電一則

致永順電一則

常德來電二則

致湖北安徽電一則

致江西江蘇電一則

致長沙岳陽電一則

致湘陰臨湘電一則

致武昌電一則

內務

省長指令桃源縣知事湛宗礪呈爲遵令訊辦彰善港信櫃被龍福堂搗毀一案由

省長指令湘陰縣知事趙珩呈爲遵令派員來省領押賣委員及各烟犯回署由

省長指令湘陰縣知事趙珩爲遵令遴委禁烟科長呈賣履歷及猶豫期間經費表請從正供項下開

支由

省長批湘潭十八都十甲丁作和等呈爲籌辦團防以資保衛請察核立案由

第

省長指令沅陵縣知事蕭朝廉呈爲設置禁烟科並請展緩猶豫期間由
省長指令沅陵縣知事蕭朝廉呈爲擬具保衛團施行細則並整頓團防擴充講演大概情形請核示
違由

省長指令新田縣知事李顯墀呈報聯合團會同防軍剿匪情形由

省長指令耒陽縣知事劉鍾衡呈報該縣水旱各災懇予賑恤由

省長指令靖縣知事湯之聘呈爲候補議員儲先模因病身故由

省長公署致省議會函

省長批林支宇等呈爲前福建民政長彭壽松爲國捐軀謹繕其事略仰祈察核咨交省議會議決營
葬麓山並轉請頒卹宣付史館立傳由

省長公署咨湖南省議會文

省長指令省會警察廳呈報學生散布宣言書由

省長訓令全省警務處據省會警察廳唐榮陽呈報學生散布流言應請取締仰該處長知照由

省長指令全省警務處處長林支宇呈覆常德城區屠稅截留二成警款礙難撥作縣警備隊薪餉請

察核由

第

九

十

省長訓令常德縣知事賀學海查常德屠稅截留二成 一案據該縣財產處長陳際翔等呈請撥作縣警隊薪餉仰仍遵照六年度原案辦理由

省長指令警務處處長林支宇呈爲續懇開辦鎮鄉警察辦法由

省長指令江華縣北路鹿洞區團防局局長張謙等呈爲團防重要公懇維持以保治安由

省長公署咨覆省議會文

教育

省長訓令瀘溪縣知事劉光閣據前永順縣視學員鄧希禹等呈爲該縣勸學所長吳永勛兼職廢公懇飭令改委仰該知事查明呈覆以憑核辦由

省長批具電人桂臨藍嘉聯合中學學生江國璜等電稱鄧校長辭職懇請飭縣設法維持由

省長訓令桂陽縣知事鄧靜安據該縣江國璜等電稱中學校長鄧鋒辭職開學無期仰該知事查明轉飭勸學所並咨行臨藍嘉各知事轉派代表到校推選校長由

省長訓令祁陽縣知事王邦吉據該縣李逢壬呈稱曾在廣西法政畢業原名因避祖諱請更名號仰該知事查存備案由

省長指令駐日湖南留日學生公費經理員李承恩呈爲請恢復陳世鴻學籍並給費由

省長訓令財政廳廳長陳炳煥准部立上海工業專門學校轉據湘籍學生王恢先陳華松呈請補費

請察照辦理仰該廳查照給領由

第

十

九

期

實業

省長指令瀝浦縣知事胡劍鋒呈爲轉賣縣立高小校十二十三兩班畢業成績表請核備案由
省長指令建本女子實業學校校長周天璞呈爲創辦建本女子實業學校請立案由

省長指令永明縣知事申建藩呈爲呈賣九年春季縣視學楊韶華被控各情請核示由
省長指令臨武縣知事呈爲呈覆查明縣視學楊韶華被控各情請核示由

省長指令達材法政學校校長馬續常呈請於十月將五六兩班舉行升級試驗由

省長指令保靖私立通俗教育所所長胡泉儒呈爲經費困難懇請飭令照章繳納以廣銷行由

省長指令常德縣縣農會羅文獻等電呈一件爲不承認附加學款由

省長指令第一紗廠籌備處總理袁家普呈爲紗廠在即酌議遣送學生及藝徒分往滬漢學習辦法
省長訓令交涉署據鐵務總局總理蕭仲祁等呈稱與前慎昌洋行抗議太平洋實業公司借款合同
一案仰該署即便查照由

省長指令衡山縣知事戴敦漢呈請設立道字二十區林業公會並賣呈書表請鑒核由

省長訓令林務專員朱繼承該處直轄衡嶽陽山兩小林區前令飭認真辦理仰遵前令整頓並造書
表速覆以憑核奪由

省長指令財政廳長陳炳煥呈爲遵令辦理零陵硝商呈控零祁硝稅局長魏鈞一案情形請核示由
省長訓令各縣知事據第二農業校長孟鼎鑑呈稱該校畢業學生陳自舜等請分派湘西各縣知事

任用仰該知事即使查照錄用由附名冊

財政

省長指令南縣知事王佑呈爲遵辦特捐仰懇指示機宜俾資遵守由

省長訓令財政廳案據南縣知事王佑呈爲遵辦特捐仰懇指示機宜仰該廳即便查照核議飭遵由省長指令新田縣知事李顯墀呈爲瀝陳地方困苦懇緩辦特捐以蘇民困由

省長指令新幣經理處副經理陳光益呈爲續請辭職懇予核准由

省長指令平江縣釐金徵收局局長劉煥章呈爲擬懇援照廳令原案按旬填報請鑒核由

省長指令安化縣知事楊宗麟代電呈覆抵借難籌由

省長詞令財政廳長陳炳煥仰即轉飭新幣經理處及所屬各機關一律造具九年度預算冊實署彙

核編製由

省長指令汝城縣知事唐承緒呈爲批解何爲邦欠款並聲明確無隱匿情弊所有欠數候令徐前總

理繳解由

省長訓令前粵鹽總公所總理徐明家案據汝城知事唐承緒呈爲批解何爲邦欠款確無隱匿情弊

所有欠款應令徐前總理繳解仰該總理遵照如數繳解由

省長指令湘岸榷運局呈爲遵議懲處局員鹽商分別辦理懇請察核由

省長指令宜章縣知事朱樹欣呈爲該縣劉前任長解七八兩年田賦准分別抵解各項賦稅由

省長訓令財政廳長陳炳煥案據宜章縣知事朱樹欣呈稱備具印領解批以領抵解業已照准仰該廳知照由

司法

高等審判廳訓令安仁縣知事劉立達該縣訴訟簡單亦有積壓案件以後務須認真審結由

高等審判廳指令郴縣知事謝功誰呈送曹紱彝憑證及民刑案件判詞請委充該縣承審員由

高等審判廳訓令郴縣知事謝功誰據考查司法委員譚倬謨呈稱該知事辦理司法甚不認真仰以

後務須遵令依法審判勿得任意違法由

湖南高等審判廳_{民庭}公開審理案件日時通告

交涉

省長訓令各縣知事對於外交事項務須認真辦理特摘示要義五則仰即遵照辦理由

公電

江華來電

督座譚財政廳長陳鈞鑒元電啟悉屬縣十年欠費早已開征中途加捐難於着手且歷年積欠甚多半屬逃戶無法追收新加特捐更難滿額當此軍需孔亟擬懇變通辦法由富戶派捐並懇電委縣紳唐元勦徐成偉協助可否請示遵譚璟叩巧

致江華電

江華譚知事覽田賦特捐係按照正餉加收迭經令飭各縣一律遵辦在案據稱請由富戶派捐事涉紛歧礙難照准仰仍遵照前令辦理如限收齊掃解以濟急需延聞感印

激浦來電

省長譚鑒辰谿保管處聳官勒收廖胡蕭張各軍捐項捉家小苛猛虎迫民等哭訴副使署沐批廖胡蕭張各軍現不存在所派軍餉軍米即電令該縣知事取銷並委淑浦胡知事往辰查辦等批民等倒懸盼胡如望歲詎辰縣乘胡遲未動身之前捐經敍免之後尙派兵坐家凶勒以得款爲計威嚴逼人乞即電催淑浦胡知事往辰查辦救民水火待命維殷辰谿太和鄉團佐米慶鴻等叩篠

致沅陵電

沅陵李道尹鑒據辰谿太和鄉團總米慶鴻等篠電稱該縣保管處聳官勒收廖胡蕭張各軍捐項訴經副使署批准取銷並委淑浦胡知事查辦懇電催胡速往等情到署究竟該項軍捐已否停止有無別情

仰即就近飭查辦理具覆核奪延闥感印

永順來電

督軍省長財政廳長鈞鑒元電奉悉田賦正供特捐按元加徵國帑空虛凡我湘人理應擔負奈永順自湘戰發生後兵災匪禍人民轉徙田土荒廢十室九空本年正供半難輸齊正擬請賑以解倒懸聞命加捐相顧涕零謹合詞哀懇鴻慈俯念災黎逾格豁免立候令遵永順公民代表雷懋德楊文治史嶽等叩

致永順電

永順曾知事覽據該縣公民雷懋德等電請免加田賦特捐等情查驗捐停收軍糈萬急舉辦田賦特捐實非得已各縣業已遵辦該縣不得獨異仰即切實開導如限收解以濟急需毋違延闥感印

常德來電

省長譚鈞鑒前奉元電比遵令趕^及特捐收券並嚴各鎮鄉團董佈告花戶人等擬於篠日起田賦徵收每元一律加收特捐一元不意事變發生城門緊閉彈雨交加被火被傷災民遍野流離滿目現敵雖遠颺數日來軍隊拿夫鄉民相戒不敢入城田賦徵收頓形阻滯現正派員分途調查撫慰一面從嚴催徵以濟軍需知關塵念謹電陳明蔣隆第賀學海同叩禡印

常德來電

省長譚鈞鑒前奉支電比遵令迭次召集城鎮紳商分頭籌墊田賦解款方擬條目先由商會墊解三千元不意是日午後一時因軍事閉城各商或逃或匿款集復散現秩序雖已恢復人民喘息未定加以主

客各軍差費派給浩繁迭准商會會長面陳苦情屬實權衡輕重不得不酌與通融稍緩時日特先電陳

伏乞鑒諒蔣隆第賀學海全叩禡印

致 湖北 安徽
江西 江蘇電

督軍省長均鑒譚石屏先生望重湖湘功在民國蕭條旅櫬猶滯滻濱業經延闔特派專員鄒新霽遄程赴滬迎櫬南歸俾安窀穸至該員護櫬經過貴省境地應請台端轉飭沿途各縣妥爲保護以昭鄭重毋

任感禱譚延闔叩感印

致 長沙 岳陽
湘陰 臨湘電

知事均鑒譚石屏先生望重湖湘功在民國蕭條旅櫬猶滯滻濱業經本署特派專員鄒新霽遄程赴滬迎櫬南歸徐圖在省開會追悼除電請長江各省軍政長官轉飭沿途各縣隨時保護外仰該知事於該員護櫬過境時妥爲照料毋得稍忽延闔感印

致武昌電

武昌王督軍鑒敝省籌辦湖南第一紗廠展轉停頓倍歷困難現雖準備開工然地方風氣初開職工藝徒均形缺乏查貴省紗布各廠經貴督及徐總理積極提倡進步發達騰聲中外茲議酌派學生藝徒分期送往楚興布紗兩局學習藉先河之指導爲文明之灌輸提携公益諒荷贊成除派員與該廠商洽外謹電達貴督懇予轉令遵行無任感禱延闔宥印

期

九

十

期

公
電



四

湖南省長公署指令

令桃源縣知事湛宗礪

呈爲遵令迅辦彰善港信櫃被龍福堂搗毀一案由

呈悉前准郵務管理局函稱彰善港信櫃被保董龍福堂統衆毀壞並毆傷信櫃胡理堂之子胡伯林等情當經本署令行該縣辦理在案茲據呈稱傳集龍福堂王柏林等到案訊結該王不欽王柏林是否即胡理堂胡伯林抑另爲一案未據聲敘明白仍仰該知事查明呈覆以憑核轉此令

譚延闔

中華民國九年十月十四日

湖南省長公署指令

令湘陰縣知事趙珩

呈爲遵派員兵來省領押責委員及各烟犯回署由

呈悉該縣押解烟土委員黃周鎮一名烟犯張應祥黃星林吳長清等三名均提交該排長趙漢沅領押回縣仍仰於點收後具報備查此令

譚延闔

中華民國九年十月十六日

湖南省長公署指令

令湘陰縣知事趙珩

呈爲遵令遴委禁烟科長呈賣履歷及猶豫期間經費表請從正供項下開支由
呈件均悉查禁烟科在猶豫期間內所需經費應從各該縣存餘烟案罰款項下酌撥應用業經本署通
令在案仰即遵照辦理履歷存查此令

譚延闔

中華民國九年十月十六日

湖南省長公署譚示

批湘潭十八都十甲丁作和等呈爲籌辦團防以資保衛請察核立案由

呈粘均悉查本公署頒布各縣團防簡章第三條規定團防總分局由各縣知事刊發木質關防第四條
規定團防分局局長由各團區紳民公舉報由總局轉呈縣知事委充各等因早經通令遵辦在案茲據
該甲公舉蕭恕莊等爲團防局長懇予委任并頒發鈐記各情核與定章不符所請應毋庸議查閱附費
條規殊欠妥協未便准予備案仰即呈由該縣知事照章辦理可也此批

中華民國九年十月十六日

湖南省長公署指令

令沅陵縣知事蕭朝廉

呈爲設置禁烟科並請展緩猶豫期間由

呈悉禁烟責重事繁自應提前設置專科以促進行業經本署通令飭遵在案據報委任該禁烟科各職員按照定章員數稍有增加惟經聲明每月開支不致溢出規定查核該員等履歷亦尙相合着予照准備案至該縣地方遠闊深恐誥諭難週擬請展緩猶豫期間一節爲求利便事實起見姑准變通展緩十日仰即督飭所屬積極進行以重烟禁此令

譚延闔

中華民國九年十月十六日

湖南省長公署指令

令沅陵縣知事蕭朝廉

呈爲擬具保衛團施行細則並整頓團防擴充講演大概情形請核示遵由

呈及費件均悉據稱整頓團防擴充講演各情尙無不合仰仍督飭在事各員切實辦理勿稍懈怠並將關於農林礦業各項妥爲籌畫積極進行是爲至要核閱所擬保衛團施行細則亦屬可行惟查第三十九條未見列入是否遺漏着即明白具覆以憑察奪此令費件暫存

譚延闔

中華民國九年十月十六日

湖南省長公署指令

令新田縣知事李顯墀

呈報聯合團會同防軍剿匪情形由

悉據稱聯合團會同防軍剿匪情形尙屬得力至猺山地方匪患堪虞前據呈報到署業經指令印發並令行防軍進剿在案仰仍督飭警團協同各縣隊兵合力堵截毋稍疏懈爲要此令

譚延闔

中華民國九年十月十六日

湖南省長公署指令

令耒陽縣知事劉鍾衡

旱報該縣水旱各災懇予賑恤由

悉據該縣水旱頻仍頗呈荒象良用憫惻現值公帑奇絀撥濟無從仰即商同縣紳公爲設法補救以恤民艱此令

譚延闔

中華民國九年十月十六日

湖南省長公署指令

令靖縣知事湯之聘

呈爲候補議員儲先模因病身故由

呈悉該縣候補議員儲先模業於八月間因病身故自應依法另補查該區以次應補省議會議員爲儲
兆淇亦籍隸該縣仰即轉行知照此令

湖

中華民國九年十月十六日

譚延闔

湖南省長公署致湖南省議會函

逕啓者案據靖縣知事湯之聘呈稱案奉鈞署整電閑准省議會咨送省議會出缺議員名冊一本又候
補議員名冊一本又候補議員一覽表一本請查照遞補前來查區依次遞補議員益陽等縣邀免冗敍
外尾開靖縣儲先模仰該知事轉知尅日來省爲要等因奉此查省議會應補議員儲先模於八月內因
病身故理合備文呈覆鈞署俯賜察核謹呈等情到署杳已故候補議員儲先模籍隸第五區該區以次
應補議員爲靖縣儲兆淇除令該縣知事轉行知照外相應函請
貴會查照此致

湖南省議會

譚延闔

中華民國九年十月十六日

湖南省長譚示

批林支宇等呈爲前福建民政長彭壽松爲國捐軀謹繕具事略仰祈察核咨交省議會議決營葬

第

呈件均悉據陳前福建民政長彭壽松手創共和力持正誼艱險一節慷慨成仁等情殊堪欽憫應准據情咨交省議會核議以憑辦理一俟大局底定即行專案呈請政府優予褒卹用彰勳勤仰即知照此批

中華民國九年十月十六日

湖南省長公署咨湖南省議會文

爲咨議事案據具呈人林支宇陳嘉祐周震麟李執中左學謙陳家鼐邱惟震劉鄂黎尚馨黎兆枚唐建陽天鶴張翼陽燮戴耀奎柳昶峯李實蕃陳國翰李克熒余覺民熊有福蕭澤沅聶定超羅繼榮魏振邦李國藩彭笏生唐道均劉仁堂向海潛等呈稱爲前福建民政長彭公壽松爲國捐軀謹繕具事略仰祈營葬龍山轉呈頒卹並付史館立傳事竊惟茹蘖飲冰烈士丹心之苦懸星繫日偉人榮譽之光功旣著於生前禮宜崇夫身後前福建民政長彭公壽松壯志軒昂英姿颯爽以抱負之宏遠投筆從戎爲時勢之變遷倡言革命當亡清之末葉適服官於閩垣組織同盟以網羅志士聯絡軍警以護衛黨人權利不足動其心艱險未能撓其志立民國之基礎樹共和之先聲逮夫鄂省舉義公與之謀閩應其聲公爲之率長閩一載締造維艱偉業豐功休光長被驅爾異族挫彼奸雄屢跌屢興再接再厲旣衛民而護法亦灌粹以培桑維持治安銘黔黎之五內剪伐荆棘播功德於三湘詎意天日藏光奔魑走魅逆軍壓境信國成仁盪產抄家拋妻撇子傷心慘目下筆淚流支宇等忝列同志骨熱心焚合舉所知謹繕具事略恭呈鈞座鑒核伏冀迅予給賚追悼安葬麓山咨交省議會通過轉呈政府從優議卹並付史館立傳以慰

湖

南

政

報

忠魂不勝公感之至等情並附呈該故民政長事略一份到署據此除批呈件均悉據陳前福建民政長彭壽松手創共和力持正誼艱險一節慷慨成仁等情殊堪欽憫應准據情咨交省議會核議以憑辦理俟大局底定卽行專案呈請政府優予褒卹用彰勳勵仰卽知照此批掛發外相應備文鈔全附件咨請貴會察照核議見覆以憑辦理實紓公誼此咨
湖南省議會

計附送事略一份

譚延闊

中華民國九年十月十六日

湖南省長公署指令

令省議會警察廳

呈報學生散布宣言書由

呈報悉查世界各國學術研求精深雖日新月異而德育智育體育三者並重實爲中外不易之通例如欲促進文明倘不率循軌道或有蕩檢踰閑勢必生心害政查核所粘宣言書語多荒謬於安寧秩序善良風俗不無妨害若再事優容不徒教育前途堪危實亦人心世道之憂嗣後如有散布此種宣言文書仰卽嚴加取締依法查拿以懲薄俗而維治安切切此令

譚延闊

中華民國九年十月十七日

湖南省長公署訓令

令全省警務處

第十九十

案據湖南省會警察廳廳長唐榮陽呈報稱竊職廳頒查省城街市發現一種學生宣言印刷單核閱各條詞旨不倫最後反對一切偶像一則正蹈前長沙師範學生搗毀長城隍廟覆轍廳長有維護地方治安秩序之責除密令各署隊所嚴加防範外理令抄錄學生宣言各條呈請鈞察謹呈等情據此除指令呈報悉查世界各國學術研求精深雖曰新月異而德育智育體育三者並重實爲中外不易之通例如欲促進文明倘不率循軌道或有蕩檢踰閑勢必生心害政查核所粘宣言書語多荒謬於安寧秩序善良風俗不無妨礙若再事優容不徒教育前途堪危實亦人心世道之憂嗣後如有散布此種宣言文書仰即嚴加取緝依法查拿以懲薄俗而維治安切切此令印發外合行令仰該處知照此令

譚延闔

中華民國九年十月十七日

計開學生宣言一紙

我們反對戕賊新機的教育

我們反對先生學生分成兩階級的教育

我們反對復古的思想

我們反對戕賊個性的教育

我們反對學校社會分成兩片段的教育

我們反對禮教

期

我們反對名分

我們反對無聊的考試

我們反對無聊的管理

我們反對不表同情於學生的先生

湖

南

政

報

湖南省長公署指令

令警務處處長林支宇

呈覆常德城區屠稅截留二成警款礙難撥作縣警備隊薪餉請察核由

呈悉常德城區屠稅二成既據呈稱礙難撥作縣警備隊薪餉准令行常德縣知事遵照可也此令

譚延闔

中華民國九年十月十七日

湖南省長公署訓令

令常德縣知事賀學海

爲令行事查常德屠稅截留二成一案前據該縣財產保管處處長陳際翔等呈請撥作縣署警備隊薪餉之用業經令行警務處查復去後茲據警務處呈稱奉鈞署內字第一一九三號訓令內開案據常德縣有財產保管處處長陳際翔等以警備隊薪餉無着請將城區屠宰稅截留之二成撥作經常經費等情呈請到署原文分呈該處有案不敍據此查此案前據常德警察廳蘇鵬援案呈請前來業經指令照六年度原案辦理並分令財政廳轉常德屠宰稅徵收局暨常德縣知事遵照在卷茲據該縣財產保管

處處長陳際翔等呈稱前情除指令呈悉據稱該縣縣署警備隊薪餉無着擬在城區屠宰稅截留二成項下開支是否可行仰候令行警務處查覆再行飭縣遵照此令印發外合行令仰該處長查照原案斟酌現在情形核定兼籌並顧辦法詳細具覆以憑核辦此令等因奉此遵查此案前據該縣縣有財產保管處陳際翔等具呈到處業經職處以該廳經費支絀礙難改撥緣由批示並分行該廳縣查照在案祇奉前因自應詳細呈覆竊查職屬常德警廳原撥之二成屠稅早經定案相沿日久此項收入該廳必已指定用途似難驟與改撥加以該廳國家經費本年度復奉鈞令核減爲每月洋二千元值此百物昂貴之時實屬萬分支絀尙待新增地方捐款方足以資挹注且常德爲湘西通商鉅埠當此軍事未平地方治安所關尤重警政亟待整理長警夫役縱爲地方財力所限不能過事擴充亦何能因噎廢食減少定額爲此剜肉補瘡之計處長目擊各地方彫敝情形蓋無時不以撙節開支減輕人民負擔爲念該廳經費既多賴地方財力以維持倘非與現在事實確有窒礙難行之處則警隊警廳同屬地方要政自當曲予通融現該廳經費旣經核減國家費於前若再將屠稅二成亦准改撥必有難於支持之勢惟來呈所稱加抽鹽斤一節業據該廳函報到處其充警款收用者僅二千餘元餘均留存商會此種款項係該廳開辦之初爲一時權宜之計係屬臨時性質決難恃作永久警察餉糈至縣署警隊爲全縣行政之補助旣非新增機關所需餉項自有舊案可循即或因事實變更以全縣之大就地籌款較易爲力處長前以警款一日不確定則警政一日不能進行業經呈奉鈞令准予通令各縣知事凡關於舊有新增警款分別確定保留無論地方何項事業均不得挪用在案誠以各縣警款本屬無多而因連年軍事之影響非

湖

南

政

報

被裁減即被挪移若非鉤座力予維持則警務廢弛處長實難辭咎所有常德警廳原撥之屠稅二成礙難改作警備隊薪餉各緣由理合據實呈覆伏乞察核辦理實爲公便謹呈等情同時據常德警察廳長蘇鵬電稱常德屠捐內警款二成奉省長暨陳廳長令仍由屠捐局照撥在案賀知事與保管處力爭作小隊開支職向屠捐局領款稱奉財政廳令地方四成應山縣署總領轉發則職廳失此常款前途困甚懇電令屠捐局逕交職廳祇候電示各等情據此查警察與縣署警隊均與地方人民有直接關係自應兼籌並顧以便行政惟此項屠稅二成原係指充警款復據警務處呈復礙難撥動仰仍遵前令照六年度原案辦理至該縣警備隊所需經費應即集紳另籌撙節開支可也着併知照此令

譚延闔

中華民國九年十月十七日

湖南省長公署指令

令警務處處長林支宇

呈爲續懇開辦鎮鄉警察辦法由

呈悉所擬推廣鄉警兩種辦法均有見到之處惟各縣團防正在進行驟改鄉警名目深恐易淆觀聽一俟大局平定團防結束應採取亟進主義就繁盛市鎮先行籌辦逐漸擴充可也仰卽知照此令

譚延闔

中華民國九年十月十七日

湖南省長公署指令

令江華縣北路鹿洞區團防局局長張謙等

呈爲團防重要公懇維持以保治安由

呈悉此案前據該縣團防總局長唐樹梨暨公民周濟楊寅仲等先後具呈到署並據該局長等電請維持各在卷節經本省長令飭該縣知事查明認真辦理具報核奪尙未據覆茲據稱各情仍候該知事呈覆再行核辦仰即知照此令

譚延闔

中華民國九年十月十七日

湖南省長公署咨覆省議會文
爲咨覆事案准

貴會咨送民國六年十一十二兩月份支付計算書表及收據粘存簿過署准此除檢發書簿令行財政廳核辦外相應咨覆

貴會請煩查照此悉

湖南省議會

中華民國九年十月十六日

譚延闔

第十九期

教育

湖南省長公署訓令

湖

南

令瀘溪縣知事劉光闈
爲令行事據前永順縣縣視學員鄧希禹等呈爲瀘溪縣勸學所長吳永勛兼職廢公懇飭令改委以重
教育等情據此查來吳既屬郵裏復未蓋用保戳難免無挾嫌誣控情事本應不理惟事關學務虛實均
應澈查合行檢發副呈令仰該知事即便查明呈覆以憑核辦此令
計發副呈一件

譚延闥

中華民國九年十月七日

政

湖南省長譚示

批具電人桂臨藍嘉聯合中學學生江國璜等電稱鄧校長辭職懇請飭縣設法維持由
電悉該校校長鄧鋒旣經辭職應由該聯合各縣勸學所遴派代表到校組織校董會推選繼任校長呈
請委任接充茲據前情仰候令行桂陽知事查核辦理可也此批

中華民國九年十月九日

湖南省長公署訓令

令桂陽縣知事鄧靜安

爲令行事案據桂臨藍嘉聯合縣立中校學生江國璜等三十六人電稱校長鄧鋒辭職經桂陽勸學所迭函臨藍嘉勸學所照約商舉校長繼任延無結果學生等坐食旅館開學無期懇予核奪速電委校址所在之長官桂陽知事實行監督設法維持不勝迫切待命之至等情據此除批電悉該校校長鄧鋒既經辭職應由該聯合各縣勸學所遴派代表到校組織校董會推選繼任校長呈請委任接充茲據前情仰候令行桂陽知事查核辦理可也此批抄由印發外合行令仰該知事即便遵照查明鄧校長如果辭職即由該知事轉飭勸學所並咨行臨武藍山嘉禾各縣知事轉飭勸學所迅速遴派代表到校組織校董會推選校長呈請委任接充以重學務是爲至要此令

譚延闔

中華民國九年十月九日

湖南省長公署訓令

令祁陽縣知事王邦吉

爲令知事准內務部咨開據廣西公立法政專門學校畢業生李逢壬呈稱原名因避祖諱請更名達盛等情業經本部核准註冊查該生係湖南祁陽縣籍民國二年曾在廣西公立法政專門學校別科畢業除批示并咨行教育部司法部外相應咨行貴省長查照轉行等因到署合函令仰該縣知事查存備案切切此令

譚延闔

中華民國九年十月九日

湖南省長公署指令

令駐日湖南留日學生公費經理員李承恩

呈爲請恢復陳世鴻學籍并給費由

呈悉陳生世鴻旣經升入東京帝大造兵科該經理員所請將該生學籍恢復一節自可通融照准於九月一日開始發給公費以示提倡至從六月起補給公費之處應無庸議此令

譚延闔

中華民國九年十月九日

湖南省長公署訓令

令財政廳廳長陳炳煥

政

南

爲令行事准交通部立上海工業專門學校函開准函據湘籍學生王恢先陳華松呈請補費一案查許生貫三是否畢業如已畢業出缺應由何人頂補希查照見復以憑辦理等因查該生王恢先陳華松學業操行成績均屬優良與本校補費章程均無不合惟王生班次較高所有本校湘籍官費生許貫三畢業遺缺應由王生儘先頂補倘蒙核准請將本學期學費速賜撥匯以便轉飭給領至陳生應請先予記名遇有缺額再行請補相應函復貴省長察照辦理是荷等因准此查王恢先陳華松二生旣以王恢先班次較高應儘王生頂補本期給洋五十元合行飭科填具王恢先津貼請款憑單一紙令仰該廳卽便

查照給領此令

計發請款憑單一紙

第

十

中華民國九年十月九日

湖南省長公署指令

令敍浦縣知事胡劍鋒

呈爲轉賣縣立高小校第十二第十三班畢業成績表請核備案由

呈表均悉該校呈請核准舉行畢業未據呈轉到署又自六年八月以後入校學生一覽表本署亦無案可稽惟念既經該知事派員監試仰即令知補造畢業各班第三號一覽表呈轉核准再行備案再查各生國文英語算術各門成績間有未及格者嗣後該校教授此等學科亟應注意改良仰併轉飭遵照表存此令

譚延闔

九

中華民國九年十月九日

湖南省長公署指令

呈爲創辦本女子實業學校請立案由

余建本女子實業學校校長周天璞

期

爲令行事宜案查該校長前次呈請派員視察並頒發鈐記准予立案等情到署當即委派本署省視學前赴該校視察在案茲據該視學呈復竊視學奉派查覆建本女子實業學校校長周天璞呈爲遵令設備懇予派員視察並頒發鈐記立案一案視學遵於九月二十九日蒞校視察現有縫級專科學生十五人刺繡專科學生十二人附設工廠亦有縫級生十六人刺繡生七人織襪生十一人寄宿通學各占半數教室一間午前兩班合授通習科課程縫級刺繡工場各一午後兩班分授主科課程教室工場器具略備校長周天璞兼授修身國文歷史地理珠算圖畫教科庶務兼家政理科算術習字教員陳鴻謀畢業周南女校管理兼縫級教員洪英畢業培德女校舍監兼縫級織襪教員袁之尙畢業自治女校刺繡教員楊夢丹均住校管教尙屬殷勤共盡純粹義務工場成績亦有可觀經費除學生照章納費外餘由周校長陳教員籌集工廠出品入款亦可稍資彌補該校長等但稱校款困難耳此建本女校辦理之實在校長陳教員籌集工廠出品入款亦可稍資彌補該校長等有見及此捐資興學以圖擴充女子情形也等情前來查女子失學廢業亦社會貧弱之一因該校長等有見及此捐資興學以圖擴充女子技能振興女子職業熱心毅力尙堪嘉許惟私立學校立案條件已於湖南省款補助私立學校單行條例第五條規定合亟將此項條例隨令發給令仰該校長遵照呈報再行核奪令遵此令

計令發湖南省款補助私立學校單行條例一份

譚延闥

中華民國九年十月九日

湖南省長公署指令

令永明縣知事申建藩

六

呈爲呈賣九年春季縣視學視察總報告書請核備案由

呈暨報告書均悉應准備案當此籌備實施強迫教育之時提倡學務及辦理合法者自須量爲獎勸而任意阻撓及濫款廢學者尤宜立予重懲據報告書內稱開設單級教員研究會及主張由各團各族祠會提款擴充國民學校等情均屬要圖應由該知事督飭妥爲辦理惟稱洞美村私塾教師周仁澤煽惑阻學上鯉村村立第七國民學校校長何宗漢兄弟捐款阻學龍虎關市立第十六國民學校教員劉梓青不諳教育虛糜校款應即撤懲以警效尤餘如陽託學校之名陰行私塾之實及未延聘教員而抗不開學之各校校長等亦應分別懲處仰併知照此令

譚延闔

中華民國九年十月十一日

湖南省長公署指令

令臨武縣知事劉 燉

呈爲呈覆查明縣視學楊韶華被控各情請核示由

呈悉該縣縣視學楊韶華被控各節既據該知事分別查明均屬子虛暫予銷案惟代表陳得志等迭次挾嫌誣控實屬可惡已極如該代表任有教育職務應暫停職一年略予薄懲若現未列名學界自文到後一年內各校不得任用以爲挾嫌誣控者戒仰即知照此令

譚延闔

中華民國九年十月十一日

湖南省長公署指令

令達材法政學校校長馬續常

呈請於十月將五大兩班舉行升級試驗由

呈悉所稱實在肄業諸生在罷課期間前後合計較常年正式開學放假計之相差不過兩月之久等語
核與前次本署觀察員梁鑄球所報告之四月一日始行開學六月二十一日休業各情不符仍仰該校
長遵照本署本年八月通令將補習各班按照去年十二月罷課以後本年四月一日開課以前之四個
月曠課時間延長至本年十二月再行舉行升級考試庶於教育效力學校信仰學生學業各方面均有
實益屆時仍呈候核轉所請於十月舉行升級考試之處著不准行此令

譚延闔

中華民國九年十月十一日

湖南省長公署指令

令保靖私立通俗教育白話演說報編輯所所長胡泉儒

呈爲經費困難懇請飭令照章繳納以廣銷行由

呈贊簡章均悉該所長辦理演說報業於民國八年三月由該縣前艾代理知事轉呈核准備案在卷該

報既確有行銷價值仰仍查照簡章第四條逕請縣署通令縣屬各區派銷可也惟該報內容如何未據呈閱月出若干張亦未聲敘應即彙集一份費署以備審核仰併知照此令

譚延闔

中華民國九年十月十一日

湖南省長公署指令

令常德縣縣農會等羅文誠等

電呈一件爲不承認附加學款由

電悉該縣勸學所前因教育經費不敷呈請附徵學捐以資彌補等情到署查縣設學校原以教育人民子弟學款應由人民負擔該所請就田賦附加捐派尙屬普及辦法亦見公允似無不合之處當經令財政廳核議去後旋據該廳覆稱附加學捐爲數尙少請予照准等情復經令縣照辦在案茲該會等以未經人民全體許可誓不承認等語須知縣議會尙待恢復學款勢難久懸設有停頓前功盡棄殊非所宜該所權宜出此未可厚非總之教育爲當務之急辦理教育尤以經費爲首圖費出於民仍用於民所失甚微所得甚鉅何憚不爲如以該會等易地而觀亦當樂予贊成幸勿再持異議爲要此令

譚延闔

中華民國九年十月十四日

實業

湖南省長公署指令

令第一紗廠工程籌備處總理袁家普

湖
南

皇爲紗廠開工在即酌議遣送學生及藝徒分往滬漢學習辦法由呈件均悉該總理以紗廠開工在即酌議遣送學生及藝徒分往滬漢各紗廠學習期滿陸續回廠轉授工徒此項費用共需七八千元議由公家與華實公司分半擔任係爲養成職工藝徒起見應准如擬辦理並電知武昌王督軍轉令楚興布紗兩局遵照接洽可也此令費件存

譚延闔

中華民國九年十月二十八日

湖南省長公署訓令

政
務

令交涉署

爲令行事案據鑛務總局總理蕭仲祁協理余煥東王猷呈稱案照職局與前長沙慎昌洋行抗議太平洋實業公司借款合同一案所有呈奉部令各情形業經呈報鈞座在案該慎昌洋行於職局抄錄財政農商兩部指令駁覆後復來局聲稱此案曾經外交部批准查該行原函計抄件文內均只有財農兩部核准之語并無外交部字樣茲復單提外交部顯係遁詞惟該洋商糾纏不已即合同原件亦不肯交閱只云鑛局若不承認此款擬請美領事向部交涉扣留職局出口鑛產等語昨十月十八日復接慎昌洋

行經理奧斯列來函內稱逕啟者午間晤談執事謂不能承認一九一九年十一月十一日貴局與太平實業公司在北京所定之借約茲特正式通告執事關於此項期票所載之條件鄙人爲保留質權起見當用各種方法對付使其履行也特此奉達即希察照等語雖屬無理取鬧亦宜先事預防糾繆且恐外交部未悉此案原委無憑對付昨已由職局詳述情形電呈財政農商外交三部查核理合抄錄稿費呈鈞署察核備案並悉轉行交涉署查照至爲公便等情據此除令准備案外合行抄發電稿令仰該署即便查照此令

計抄發電稿一件

譚延闔

中華民國九年十月二十六日

湖南省長公署指令

令衡山縣知事戴敦漢

呈爲轉請設立道字二十區林業公會並賣呈書表請鑒核由

呈件均悉該縣道字二十區人民就原有禁山禁盜各會酌提款項依照部頒規則組設林業公會自屬可行仰即督飭認真辦理並候稟咨備案可也此令賣件存

中華民國九年十月二十九日

譚延闔

湖南省長公署訓令

余林務專員朱繼承

爲令催事該處直轄有衡嶽陽山兩小林區前經本署令飭該專員認真辦理並飭將兩小林區擬具分年切實通行方法呈候核奪在案現尙未據覆到合行令催仰卽遵照前令將整理規畫情形造具書表速日呈覆以憑核奪此令

譚延闔

湖南

中華民國九年十月三十日
湖南省長公署指令

余財政廳長陳炳煥

政

呈爲遵令辦理零陵硝商呈控零祁硝稅局長魏鈞一案情形請核示遵由呈悉此案昨據零陵知事查覆到署業經令廳覆核並飭縣一面開導商民照章納稅在案茲據呈報前情已由該廳將魏鈞撤差并令縣查拿抗稅搗局各犯應准如呈辦理仰卽轉行遵照此令

譚延闔

湘

中華民國九年十月三十一日
湖南省長公署訓令

令各縣知事

第十一期

爲令行事案據省立第二甲種農業學校校長孟鼎鑑呈稱竊甲種實業學校本爲造就地方實業人才畢業後應負服務社會之責屬校自民國七年秋季接收芷江私立務實甲種蠶校本科二年級學生一班已於去年十二月畢業業經呈報在案查該生等肄業三年成績尚有可觀若再加以經驗庶可擴充學識藉資深造惟吾湘近年來農林事業多未發達雖因時局糾紛財政困難而人才缺乏實其一端茲幸鈞座蒞湘首重實業讀本年九月八日湖南政報鈞署訓令各縣知事設科專辦實業一案內載查縣公署照章設二科至四科此後應劃分一科專掌實業行政事務并宜遴委專門人才或富有經驗之人才充任科長員相助爲理凡關於開墾荒土強制造林接洽農林商礦業各會與勘測鑛產並調查報告及實業範圍以內各事均由縣責成該科稟承經辦以期職責分明推行便利等語仰見鈞署提倡實業不遺餘力屬校此項畢業學生在湘西各縣自不無需用之處擬懇鈞署將屬校蠶科第一班畢業學生陳自舜等分令湘西各縣知事量予錄用擔任實業以符國家造就實業人才之意所有屬校蠶科第一班畢業學生陳自舜等十八名擬懇分派湘西各縣知事任用各緣由是否有當理合造具分派各縣名冊一份備文呈請鈞署俯賜察核令行實爲公便等情並附賣學生名冊一份到署據此除指令並分令外合行抄發名冊令仰該知事即便查照冊內指派學生酌量錄用以興實業而宏器使此令計抄發學生名冊一分

譚延闔

中華民國九年十月三十日

計抄學生名冊一份

湖

南

政

報

姓	名	籍	貫	年	齡	分派縣名	備
陳	自	舜	芷	江	二	十	常
史	永	樑	芷	江	二	十	德
舒	仁	薰	晃	縣	二	十二	澧
傅	科	宏	芷	江	二	十二	源
張	俊	英	芷	江	二	十二	陵
董	文	劍	芷	江	二	十二	沅
禹	金	波	芷	江	二	十二	浦
邵			江	二	二	十二	
陽			江	二	二	十二	
二			江	二	二	十二	
十			江	二	二	十二	
會			江	二	二	十二	
同			縣	江	二	十二	

質業

六

舒	守	堯	影	周	陳	李	傅	危	楊	舒
晏	光	訓	光	日	代	膏	科	日	翼	晏
其	其	其	其	其	禮	焰	進	廉	舉	其
縣	江	江	江	江	地	地	江	陽	縣	縣
二	二	二	二	二	正	正	二	二	二	二
十	十	十	十	十	二	二	十	十	十	十
一	一	三	一	一	辰	保	通	二	二	二
瀘	靖	麻	靖	保	道	道	陽	陽	鳳	乾
溪	縣	陽	靖	靖	陽	陽	風	風	縣	縣

財政

湖南省長公署指令

訓

呈爲遵辦特捐仰懇指示機宜俾資遵守由

令南縣知事王佑

悉鑑捐停收需款萬急不得已籌辦田賦特捐據稱進行困難手續複雜業民難於召集各情仰斟酌情形妥爲辦理以期有濟於公無擾於民並着於十二月末日以前全數繳解不得逾限至徵收經費作何開支瀆境應否免收候令行財政廳酌核飭遵併仰知照此令

譚延闔

中華民國九年十月二十七日

湖南省長公署訓令

令財政廳

爲令行事案據南縣知事王佑呈稱爲遵辦特捐仰懇指示機宜俾資遵守事竊知事於十月十六日奉財政廳元電開奉省長令鹽捐停收亟應另籌抵補茲規定按照實徵止賦及田租每元加收特捐光洋一元由縣根據賦額參照糧券式樣印製特捐收券以備花戶繳捐掣取此項捐款自九年十月十日起至十二月末日止一律繳齊逾限分別處罰等因合亟電飭仰即妥速遵辦佈告催收並先電覆等因奉此惟遵行章程匪蒙剴切指示冒昧徵收必滋阻力區區下情有非電呈所能上達者敢請縷細陳之伏

報

政

三

財政

一

查屬縣自開徵至今經知事會同委員劉根洵極力督促已徵過十分之八此項特捐難於徵收附帶且此風既播花戶裏足不前徵收因之減色是不特收捐難資發達而徵收亦不無障礙此進行之困難也根據賦額冊須重造印製收券尙須時日徵收處每於開徵之造冊製券必數月始能藏事今徵收將過而期限又復短促非加用雇員限時趕辦不能着手抽收況未徵之花戶既裏足觀望則已徵之花戶必懷疑推阻尤非派員分赴各鄉坐催守促印發佈告通令各鄉紳董剴切開導曉以大義斷難按時成功此手續之複雜也徵收處既不能附帶收捐難於如期收束所有加雇員司造冊製券以及委員催收一切薪資雜項開支浩繁是否應由知事造具報銷作正開支之處應請明令規定以資遵守屬縣土瘠民窮純恃穀米爲生計乃兵燹之後繼之水災未潰之境秋收不及六成已潰之境徒見饑黎滿道加之閭閻不靖匪盜披猖團練冬防在在需費金融枯竭籌措維難財政廳電令按照實徵正賦及田租每元加收特捐光洋一元其被潰各垸業蒙蠲免正賦與向徵收蘆稈者是否應在邀免之列應請核示飭遵屬縣自前清建廳分治田土闢諸草萊佃民來自他方業戶多爲客籍每年來縣收租就便完賦及其竣事遂仍告歸其各佃戶亦因冬無播種半多運穀回鄉散如鳥獸此項特捐徵集困難若據糧冊之花名殊難知其籍貫問堤局之管理究莫悉其里居再四籌思鈎稽無策此收捐之難於徵賦之情形也所有屬縣辦理特捐事宜進行困難手續複雜及徵收經費作何開支潰垸應否免收業民難於召集各緣由除由知事已於奉電之次日一面撰定佈告分途張貼一面督率徵收處加緊違辦外理合備文呈請鈞署俯賜察核訓示施行實爲公便等情據此除指令呈悉鹽捐停收需款萬急不得已籌辦田賦特捐據稱

進行困難手續複雜業民難於召集各情仰斟酌情形妥爲辦理以期有濟於公無擾於民並著於十二
月末日以前全數繳解不得逾限至徵收經費作何開支瀆妄應否免收候令行財政廳酌核飭達併仰
知照此令印發外合亟令仰該廳即便查照核議飭遵此令

譚延闔

中華民國九年十月二十七日

湖南省長公署指令

令新田縣知事李顯墀

呈爲瀝陳地方困苦懇緩辦特捐以蘇氏困由

呈悉所陳地方困難亦係實情此次徵收田賦特捐實因政費軍需無款應付業經明白令飭并佈告在案仰即遵照前令妥爲辦理如期掃解所請緩辦之處應毋庸議此令

譚延闔

中華民國九年十月二十九日

湖南省長公署指令

令新幣經理處副經理陳光益

呈爲續請辭職懇予核准由

呈悉查該經理自任事以來深資得力現在傅總經理因病辭職業經本署准予給假調治並令該經理

兼代在案所有處內一切事務關係極為重要仍望勉為其難以圖共濟所請辭職之處應不准行仰即
知照此令

第

中華民國九年十月二十九日

湖南省長公署指令

令平江釐金徵收局局長劉煥章

十

呈為擬懇援照廳令原案按旬填報請鑒核由

呈表均悉准予備案查日報表頒發已久各縣局均已遵辦並無困難情形仰仍查照前令按日填報以
憑考核毋違此令

九

中華民國九年十月二十九日

譚延闔

湖南省長公署指令

令安化縣知事楊宗麟

代電呈覆抵借難籌由

代電悉軍精政費懸款待支該縣欠解新舊田賦數鉅期迫迭經令飭依限抵借報解在案迄今日久仍
以空文搪塞殊屬藐玩仰仍遵照前令辦理毋再藉延切切此令

期

譚延闔

中華民國九年十月二十九日

湖南省長公署訓令

合財政廳

案查預算爲財政上扼要之圖本省長於重恢湘境之時卽分令各機關造具九年度預算分冊賣署彙核編製現在將及就緒惟查新幣經理處雖屬臨時機關亦應編入特別會計冊內合行令仰該廳即便轉飭遵照迅將該處及所屬九年度歲入歲出分別經常臨時造具預算分冊刻日賣署核辦毋延此令

譚延闔

中華民國九年十月二十九日

湖南省長公署指令

余汝城縣知事唐承緒

呈爲批解何爲邦欠款並聲明確無隱匿情弊所有欠數候令徐前總理繳解由

呈件均悉查何爲邦虧欠稅款一萬七千餘元茲據該知事將該產業儘數變賣得價祇一千零四十元並查明確無隱匿情弊取具切結前來姑准如是備查所有欠數仍候責成徐前總理繳解以重公帑至所繳小洋五百四十元已如數列收矣仰即知照此令

譚延闔

中華民國九年十月二十九日

湖南省長公署訓令

令前粵鹽總公所總理徐明家

第
九
十

案據汝城縣知事唐承緒呈稱竊知事於九月三十日奉鈞署財字第八五一號指令開呈件均悉查何爲邦虧欠稅款爲數甚鉅前據該知事查明產業約值洋四千餘元此次來呈據稱儘數變賣所得價值祇一千零四十元其中顯有隱匿情弊着即切實清查變賣毋稍事瞻徇致干查究至所繳小洋五百元已如數列收矣仰併知照此令費件存等因奉此知事遵卽派員前去切實調查從旁考察並令飭該家屬何邦棟等毋得稍有隱匿致干連坐去後茲據何邦棟何晉卿何衛才何岑田何富康何海南等呈稱爲據實呈覆補繳價款懇恩轉賣核銷事竊民等與何爲邦生長同村知之最悉查自伊家分爨以來並未另置產業陸續賣出不少前經鈞署查封檢出分關將所有家產照數錄呈無從隱匿又經粵鹽公所吳委員紹坤覆查坐賣亦祇此數均經先後稟報在案比時估計田山店屋約值四千餘金是舉其大略而言并未徵諸實在除將其住屋二棟抵押債主換出田契實係無人承買邀恩准予留住外餘已一律罄盡并無半點存留只得加具切結連同應補價款小洋五百四十元如數繳清伏懇察核轉呈准予銷案實爲德便等情據此同日派員調查回報亦未查有隱匿產業證據遍詢鄰近衆口僉同至前次呈報估計價值約四千餘元此次變賣相差甚遠推厥原因其故有二一因何爲邦住屋二棟原估一千三百元嗣以所有田契盡行抵押於人始將此屋對換備抵方獲田契抽出以憑售賣兼之該屋適居何姓村期

之中無人承受特懇鉤座法外施仁准留居住免致一家流離失所是所估計該屋之價值完全打銷矣
一因何爲邦有杉山五處原估一千五百元誰知債權所在先所挪借人款悉以此山抵押各債主即將
該山杉木盡行斫伐以償債務及至拍賣俱係落山腳木故僅得價洋二百二十餘元是所估計該山之
價值又不能如數矣有此二因故前後大相懸絕似此私債公款交迫而來賣盡家貲猶難備抵默察現
狀狼狽不堪茲據何爲邦暨該家族何邦棟等各具切結前來知事查核屬實理合將變賣何爲邦產業
並無隱匿及估價相差各情由據實陳明連同切結并補繳價款小洋五百四十元備文責呈伏懇鉤座
俯念微寒因公破產恩准銷案以示矜全俾得行動自由另謀生計或一家老幼不至凍餓以死亦幸甚
矣是否有當伏候察核指令施行等情並賣呈收具切結等件到署據此除指令呈件均悉查何爲邦虧
欠稅款一萬七千餘元茲據該知事將該產業儘數變賣得價祇一千零四十元并查明確無隱匿情弊
取具切結前來姑准如呈備查所有欠數仍候責成徐前總理繳解以重公帑至所繳小洋五百四十元
已如數列收矣仰即知照此令印發外合行令仰該總理即便遵照如數繳解以重公帑毋違此令

譚延闔

中華民國九年十月二十九日

湖南省長公署指令

令湘岸榷運局

呈爲遵議懲處局員鹽商分別辦理懲請察核由

據稱鹽商特捐已如數補繳事過境遷免予置議至局員辦理不善自應予以相當處分除收支譚育德現已撤換毋庸深究外該正辦爲全局監督於局中情弊毫無覺察著記大過一次以昭炯戒嗣後並須認真辦理毋再疏忽干咎仰請該局長轉飭知照此令

譚延闔

中華民國九年十月二十九日

湖南省長公署指令

宜章縣知事朱樹欣

呈爲該縣劉前任長解七八兩年田賦准分別抵解各項賦稅由
一次軍米價款洋一萬零六角六分八釐外實長解大洋七千三百八十四元一角八分九
百七八十八元七角五分契稅及契紙工本大洋一千三百零五元九角八分四釐八毛田賦券費大洋二千一
元二角三分印花稅大洋四元八角三分六釐菸酒牌照稅大洋一百五十九元三角二分菸酒物品稅
大洋一百五十元零二角第三期契捐大洋一千一百五十三元零三分又第三期契捐大洋一千六百
五十五元三角八分三釐查核兩抵數目尙屬相符茲據備具印領前來准予如呈抵解除令行財政廳
外仰卽知照此令印領兩紙存

報

批迴玖紙印發

譚延闔

中華民國九年十月三十日

湖南省長公署訓令

令湖南財政廳廳長陳炳煥

案據宜章縣知事朱樹欣呈稱爲備具印領解批以領抵解事案准劉前知事移交各項賦稅咨請接收業經派員按款勾稽造具交抵清冊分別呈報惟查移交冊內列長解七八兩年田賦共大洋一萬七千三百九十五元零五分七釐八毫除由領到一次軍米價款項下撥解大洋一萬零零一十九元零六角六分八釐俟賦稅收有成數再行呈請扣還輸米各戶以昭信用外實長解大洋七千三百八十四元三角八分九釐八毫又查移交冊內列實存歷年舊欠田賦及券費契稅屠稅菸酒牌照稅菸酒物品稅印花稅契捐司法收入共大洋八千三百九十三元八角四分四釐八毫除將司法收入實存大洋一千零零九元四角五分五釐撥付四月至八月司法支出經費俟將計算書造成再行呈請抵解外實存大洋七千三百八十四元三角八分九釐八毫所有長解之款及實存之數自非分別按款領迴抵解實不足以清款目而資結束除呈報財政廳長查核外理合備具印領解批呈請鈎署俯賜鑒核准予以領抵解批迴下縣備案實爲公便等情據此除指令(同上指令)印發外合行令仰該廳即便知照此令

中華民國九年十月三十日

財政

十

期九十九十第

司法

湖南高等審判廳訓令

令安仁縣知事劉立達

案據考察司法委員宋保疇呈報考查該縣司法情形並賣報告書成績書各一份到廳披閱各節該縣辦理司法事務尙無不合惟訴訟簡單亦有壓積案件長此因循何以澄清訴訟爲此令仰該知事對於民刑案件務須認真審結應辦司法各事亦仍遵照法令辦理此令

廳長李漢丞

中華民國九年十月二十五日

湖南高等審判廳指令

令湘縣知事謝功雖

呈送曹紱彝憑證暨民刑事案件判詞請委充該縣承審員由

呈暨憑證均悉核閱該員所作判詞文理尙屬通順而經驗殊嫌薄弱如判詞首行應有某縣知事公署民事或刑事判決書字樣第三行以下始列舉當事人證人等姓名年齡籍貫住址職業今該判於首二兩行並未依照定式繕寫不合者一又主文前行應載爲右列當事人因錢債或婚姻涉訟一案（刑事則載爲右列被告人因竊盜或傷害案件）經本署審理判決如左字樣而案由（如民事錢債婚姻等刑事竊盜傷害等）尤爲本案中最要之關鍵該判所敍既均未依式又復漏落案

由不合者二又判尾應載作成判詞之年月日及知事承審員姓名且均應各自署名蓋章該判亦未載列不合者三至主文內此判二字久已不用該判仍襲此舊式亦有未合綜核上開各情形該員辦理審判上事件尙未能確臻嫻熟即難遽予委任姑准再行試辦兩月仍由該知事呈送判詞到廳如果成績優良屆時再予核委可也實驗憑證各件仍發還此令

計發還憑證四件

十

中華民國九年十月二十七日

湖南高等審判廳訓令

廳長李漢丞

令郴縣知事謝功雖

九

案據考查司法委員譚倬謨呈稱於四月十五日赴該縣公署切實考查該知事辦理司法情形並守催表冊至今已歷四週查所造表冊從八年度九月起僅四五項其餘均未着手似此日久遷延毫無效果清夜自思展轉難安欲不催則有方鈞命即力督而仍屬空言自顧力綿難勝鉅任懇請辭職另揀幹員接催竣事等情前來據此查本廳第一六九號訓令業將該縣缺責應造各種月報年表逐一指示飭速照章趕造在案據呈前情該知事竟置若罔聞延抗如故殊屬故意違貌實觸犯知事懲戒條例第九條第一項本廳素尙寬大遇有各屬違誤之點未曾遽加處分不憚三令五申冀其自悟乃該知事對於本廳迭次指令訓令等於弁髦實難再予姑容致司法前途日增窒礙查民國三年三月十七日司法部覆

期

南昌高審廳電遇有藐玩司法情事自應查照知事懲戒條例第十一條第二十二條呈由本部核辦等語除將該知事違抗命令情形依法呈報

湖

司法部核辦外合亟令仰該知事迅仍遵照前令所示八年度應造各表妥速造齊尅日審核以憑彙報毋得再事遷延致干重譴勿謂言之不預再核閱譚委呈賣調查該縣司法情形報告書第十三款內稱罰金一項該知事並未通知司法收費處填入聯單又稱賭犯歸警察所處罰辦理尤爲不合仰該知事嗣後務宜查照湖南各縣司法收費辦事規則第四條第五款第六條第六條第七條所規定辦理並宜轉令該縣警察所以後緝拿賭犯務宜解繳該知事依法審判勿得任意違法切切此令

廳長李漢丞

中華民國九年十月十七日

政

湖南高等審判廳民庭公開審理案件日時通告
本廳民庭十一月八日午後一時公開審理案件於左

一柏方穆與柏迪光因私訴不服寧遠縣知事公署第一審判決控告一案
（公開審理）

一陳維新與僧妙玄因田地涉訟不服常德地方審判廳第一審判決控告一案
（公開審理）

一石袁氏與石敬瑞因家產涉訟不服沅江縣知事公署第一審判決控告一案
（公開審理）

一屠雨初與馮敬之因債務涉訟不服常德地方審判廳第一審判決控告一案
（公開審理）

一福裕祥與彭連波因債務涉訟不服長沙地方審判廳第一審判決控告一案
（公開審理）

一劉世榮與湯濟美因墳山涉訟不服醴陵縣知事公署第一審判決控告一案
本廳民庭十一月九日午後一時公開審理案件於左

(公開審理)

一王家齊與僧本慧因菴產涉訟不服寶慶縣知事公署第一審判決控告一案
一劉張氏與龍鯉堂因婚姻涉訟不服漢壽縣知事公署第一審判決控告一案

(公開審理)

一羅任氏與羅玉生因粧奩涉訟不服湘潭縣知事公署第一審判決控告一案
一趙文卿與顏茂齋因錢款涉訟不服衡山縣知事公署第一審判決控告一案
一劉益清與劉鳳笙因退莊涉訟不服長沙地方審判廳第一審判決控告一案

(公開審理)

一彭仙橋與彭靜安因繼承涉訟不服寧鄉縣知事公署第一審判決控告一案
一李達材與李胡氏因債務涉訟不服漢壽縣知事公署第一審判決控告一案
本廳民庭十一月十日午後一時公開審理案件於左

九
期

(公開審理)

一李湘苟與羅有仔因婚姻涉訟不服汝城縣知事公署第一審判決控告一案
一吳連生與李篤凱因庄錢補水涉訟不服沅江縣知事公署第一審判決控告一案
一彭雲生與譚姚氏因婚姻涉訟不服湘潭縣知事公署第一審判決控告一案
一傅悅來與羅星陔因債務涉訟不服瀏陽縣知事公署第一審判決控告一案
一李才拔與李士勛因買賣涉訟不服湘潭縣知事公署第一審判決控告一案

(公開審理)

一劉稚雲與向岳雲因田產涉訟不服長沙地方審判廳第一審判決控告一案

(公開審理)

本廳民庭十一月十二日午後一時公開審理案件於左

一黃德達與朱樹藩因私訴不服華容縣知事公署第一審判決控告一案

(公開審理)

一李三千與唐協和因墳山涉訟不服常德地方審判廳第一審判決控告一案

(公開審理)

一賀尚氏與賀劉氏因家產涉訟不服常德地方審判廳第一審判決控告一案

(公開審理)

一劉天銀與楊長春因婚姻涉訟不服常德地方審判廳第一審判決控告一案

(公開審理)

本廳民庭十一月十二日午後一時公開審理案件於左

一姜進停與易桂生因私訴不服長沙地方審判廳第一審判決控告一案

(公開審理)

一劉輝煌與甘振湘因園田涉訟不服湘陰縣知事公署第一審判決控告一案

(公開審理)

一姚書樓與姚景宸因承繼涉訟不服岳陽縣知事公署第一審判決控告一案

(公開審理)

一游鉅菴與劉維嶽因墳山涉訟不服漢壽縣知事公署第一審判決控告一案

(公開審理)

本廳民庭十一月十三日午後一時公開審理案件於左

一曾潤泉與楊大炎因債務涉訟不服澧縣知事公署第一審判決控告一案

(公開審理)

一吳邦華與譚建堂因婚姻涉訟不服常德地方審判廳第一審判決控告一案

(公開審理)

一同仁益與熊心如因債務涉訟不服益陽縣知事公署第一審判決控告一案

(公開審理)

一葆和號與熊心如因債務涉訟不服益陽縣知事公署第一審判決控告一案

(公開審理)

一周西早與王季生因債務涉訟不服湘陰縣知事公署第一審判決控告一案

(公開審理)

一胥達生與熊岷山因債務涉訟不服長沙地方審判廳第一審判決控告一案 (公開審理)

湖南高等審判廳刑庭公開審理案件日時通告

本廳刑庭十一月八日午前十時公開審理案件如左

一大理院發還更審安化黃登科殺人一案

一控告人文瑞長對於益陽縣知事公署就該控告人妨害水利之所爲第一審判決不服控告一案

一控告人歐愛秋對於南縣知事公署就該控告人誣告之所爲第一審判決不服控告一案

一控告人唐挺對東安縣知事公署就該控告人教唆強盜殺人之所爲第一審判決不服控告一案

本廳刑庭十一月九日午前十時公開審理案件於左

一控告人趙唐氏對於慈利縣知事公署就趙名廣過失殺人之所爲第一審判決不服控告一案

一控告人鄧登高對於宜章縣知事公署就該控告人殺人之所爲第一審判決不服控告一案

本廳刑庭十一月十日午前十時公開審理案件於左

一控告人羅永理對於新化縣知事公署就該控告人傷害之所爲第一審判決不服控告一案

一控告人王興典對於瀏陽縣知事公署就該控告人侵占之所爲第一審判決不服控告一案

本廳刑庭十一月十一日午前十時公開審理案件於左

一控告人李處官對於東安縣知事公署就該控告人殺人之所爲第一審判決不服控告一案

一控告人周漢熙對於長沙地審廳就該控告人僞造有價證券之所爲第一審判決不服控告一案

本廳刑庭十一月十二日午前十時公開審理案件於左

一控告人余水旺對於宜章縣知事公署就該控告人殺人之所爲第一審判決不服控告一案

一控告人龔國鑾對於瀏陽縣知事公署就李煦蓉等強取之所爲第一審判決不服控告一案

一控告人陳青雲對於瀏陽縣知事公署就該控告人侵占之所爲第一審判決不服控告一案

一控告人林雲湘對於長沙地方審判廳就該控告人和誘之所爲第一審判決不服控告一案

本廳刑庭十一月十三日午前十時公開審理案件於左

一大理院發還更審郴縣蕭陳氏傷害人致篤疾一案

一控告人趙伯芝對於湘鄉縣知事公署就趙繼先強取之所爲第一審判決不服控告一案

一控告人羅梓材對於瀏陽縣知事公署就歐慎齋傷害之所爲第一審判決不服控告一案

一控告人黎賀氏等對於瀏陽縣知事公署就該控告人等略誘之所爲第一審判決不服控告一案

期

九

十

期

司
法



八

交涉

湖南省長公署訓令

令各縣知事

爲令遵事案查華洋互市以來與各國所訂正續約章綱目繁夥在在關係國權遵守不渝糾紛自免稍一違背比鄰必有責言略事通融先例即成鐵案國稱最惠利許均沾貽患將來誰尸其咎本兼省長蒞任數月整理內政尤注重外交與駐湘各國領事情誼交孚無詐無虞相期永敦信義嗣查接管卷宗各縣知事對於外交事項辦理合法者間亦有人而因疏忽與誤會發生謬轎者究屬不尠用特例舉在地方法官最當注意者數事摘示要義申令於下例如外人游歷過境保護須周有匪地方阻其前往無照者即應扣留護送省署處理（一）各國教會本可在內地租買房地建堂傳教契內載明作本地該會公產者應准轉呈投稅然外人私置產業則在所必禁（二）保護教堂地方官有專責若教民干涉政治則又約所不許（三）非通商口岸外人不得開設行棧但設經理處用華人經售外貨除危險違禁品外皆不可藉端排斥或沒收（四）建築火油池桶必在通商口岸且經政府特許者方可查勘適宜地點興造（五）此其犖犖最著者餘尙不勝枚舉苟事前慢不加察事後往來駁結補救綦難小則貽笑於外人大則自喪其權利蟻穴潰堤噬臍何及諄諄告戒之意仰該知事其慎遵勿違並飭屬周知倘有交替仍逐任專案移交永著爲令有厚望焉此令

中華民國九年十月二十九日

變 涉

二

期 九 中 樂